

414

AD QVODLIBETARIAM.

QVAESTIO MEDICA MATVTINIS DISPVATIONIBVS DISCVTIENDA
IN SCHOLIS MEDICORVM DIE IOVIS XI. FEB. NICOLAO ELLAIM DOCTORE
MEDICO, MODERATORE.

An dysenteria vena sectio?

FLVORIS alui vt variae sunt differentiae & causae, ita dissimilis curatio. Cuius morbo, vel etiam Symptomati, contrarium remedium opponendum. Quod futurum est irritum, nisi causa tum externa, tum interna prius summoveatur. nec solum ab iis, sed etiam ab adiunctis curandi ratio diuersa desumitur. Sic cacochymiae purgatio, plethorae phlebotomia rectius decernitur. Si febris adsit, vel inflammatio, aut dolor vigeat, phlebotomiae locus potior esse debet. Neque tum alui profluuium (nisi forte criticum) viribus permittentibus cam dissuadere potest.

VALISCVMQVE fit fluxus, tribus generibus comprehenditur. Si nihil ab alio mutatus cibus deiciatur, ^{si morbus} est, communis ventriculo cum intestinis: quae si morbum longum frigidiorum humorum albuminum sequatur, spem salutis adimit. Si sanguis, multiplicem parit dysenteriam: nimirum ^{diuina} mutilis familiarem: melancholicam splenicis salutarem: hepaticam prorsus lethalem: & intestinalem cuius aetate, sed maxime puerili & senili calamitosam. quod si frequens adsit, & liquida caeterorum humorum deiectio, Diarrhoea est, quae vel defectu ^{aduersus}, vel confluxu materiae copia aut qualitate peccantis excitatur.

DYSENTERIA, quae ab affecta sede nomen habet, omnium molestissima est, vt quae ceteras doloris vincat acerbitate, nec ullis cedit periculi magnitudine. Nihil est ^{aliud} aliud quam ^{causa} intestinum nunquam expers doloris, & quae non raro inflammationem, saepissime febrem inducit, haec autem nonnunquam ab externis causis, vt prauis alimentis, & acris pharmacis, saepius ab internis, vtraque bile, aut falsa pituita ducit originem. Sed haec mulieribus, illa viris frequentior: vtraque contagionis particeps & popularis: maxime vero per aetatem, si aquiloniam hyemem ver, australe consequatur.

VULNERIS mali periculum colligitur ex parte affecta, vlcus magnitudine, humoris specie, & interdum ab excretis & Symptomatis. Vlcus, si gracile aliquod intestinum occupet, praeteritum ieiunum, vix coalescit: idem si crassum penitus depascatur, ita vt ^{seque} abiciat, lethale: ab atra itidem bile si ortum ducat non minus quam occultus Cancer exitiosum; quoad Symptomata, longe grauior est dysenteria, quae cibi fastidium inducit, quae bilis vomitum coniunctum habet, quae cum febre inuadit & perseverat: quae nascitur ab inflammatione praecordiorum, quae varia promit proditque excrementa, quae demum sequitur abscessum ^{me-} fenterij: quamquam haec non prorsus desperanda.

VECVMQVE sanabilis est dysenteria, siquidem intempestiue supprimatur, abscessum facit. Eius curandae initium sumi debet ab humoris peccantis vacatione. Cui scopo nullum quidem rheo praestantius remedium. Cui tamen senna interdum, cassia aut Catholicum vt ^{ius} praefertur. Quod si febris adsit, vel inflammatio, dolorque ingens, & corpus plethoricum, phlebotomia longe tutius premitur, vt quae non solum minuat plenitudinem, sed etiam febrem & inflammationem extinguat, dolorem mitiget, bilis impetum reprimat, fluxum denique ipsum cohibeat: eaque sepius magno successu repetenda: qua praemissa locus erit commodior purgantibus medicamentis & adstringentibus enematis, epiceraisticis, hypnoticis, narcoticis dolorem sedantibus, balneis contemperantibus, diureticis deriuantibus (exceptis spadensibus) caeterisque tum medicamentis intemperiem corrigentibus, tum crebris alimentis, quae vires instaurando, morbo simul aduersentur.

Ergo dysenteria vena sectio.

Asserebat IOANNES PIETRE Parisinus, anno salutis 1610.

DOMINI DOCTORES DISPVATVRI.

M. Dionysius Guerin.
M. Iacobus Latus.
M. Iohannes Riouant Prof. Reg.

M. Andreas le Gros.
M. Iohannes le Mercier.
M. Michael Tostain.



M. Simon Pietre.
M. Georgius Cornuty Decanus.
M. Claudius Bouyn.